



陸海三考

二十四—廿六

六

15
121
6



伊藤卓三
藏書之印

門 曾 20
號 21
卷 6

陔餘叢考卷二十四

陽湖 趙翼

曲牌名人詩

客中間集載舒芬詩云乃愛宜春令出遊

風光猶勝小

梁州黃鶯兒唱今朝事杏柳娘牽舊日愁三擣鼓催花

下酒一江風送渡頭舟嗟予沉醉東風裏笑別銀燈上

小樓

番語成詩

詩話總龜及詩史載余靖作胡語云夜筵漫羅羅言後臣

拜洗賜受雨朝願荷言通情幹勒言厚微臣雅魯言祝君統

聖壽鐵擺言高俱可忒言無又沈存中筆談載刁使契丹戲



卷二十四



烏詩云押宴離畢如中國執政官看房賀跋支執衣防習人餞行三四

裂罽密賜十貌狸形如鼠而大逾人以珍饈

以古人性名藏句中

石林詩話載王荆公詩光景春可惜世花可留得莫嫌
柳渾青終恨李白以古人性名藏句中或者謂前無此
體按權往輿集有一篇云潘宣秉戎寄衡石崇位勢
年紀信不雷弛張良自愧推蘇則為愜瓜李斯可畏不
顧榮宦尊每陳農畝利家林類岩巘負郭躬斂積息滿
寵生嫌眷蒙恬聖智疎鐘皓日曉晚景丹霞麗澗泉
不暖山梁冀無累頗符生聲學得展貪尚志從此直
不疑支離疎世事則唐人已創此體

題字嵌句首

東坡自杭將還朝坐中有營妓鄭容求落籍高瑩求
從良坡為題減字木蘭花一詞判其牘尾云鄭壯好客容
我尊前先墮幘落筆生風籍聲名不負公高山白早
瑩骨冰肌那解先從此南徐良夜清風月滿湖蓋用八
字於句首乃鄭容落籍高瑩從良也

數目字入詩

鮑明遠詩一身事關西家族滿山東二年從車駕齋祭
甘泉宮三朝國慶畢休沐還舊肆邗四壯曜長路輕蓋飛
若鴻五侯相餞送高會集新豐六樂陳廣座祖帳揭春
風七盤起長袖庭下列歌鐘八珍盈雕俎綺肴紛鐘重

九族其贍遲賓友仰徽容十載學無就善宦一朝通

十二生肖八音入詩

北史魏太和中崔光依宮商角徵羽本音而為五韻詩以贈李彪為十二次詩以報光又為百三郡國詩答之其體今不傳後人乃有以十二生肖及八音入詩者列朝詩集載明人胡儼十二辰詩鼯鼠飲河不乾牛女長年相見難赤牛南山縛猛虎月中取兔天漫驪龍有珠常不睡畫蛇添足適為累老馬何曾有角生羝羊觸藩徒分心嘯莫笑楚人冠沐猴祝雞空自老林邱舞陽屠狗沛中市平津牧豕海東頭按元人劉因有十二辰詩飢鷹嚇鼠驚不起牛背高眠有如此江山虎踞

千里來才辨荊州兔穴爾魚龍八水浩無涯幻境等是杯中蛇馬耳秋風去無跡羊腸蜀道早還家何必高門沐猴舞豚柵雞棲比皆樂土柴門狗吠報鄰翁約買神豬謝春雨則元人已先有此體也又丹陽集謂十二辰入詩始於沈炯而山谷亦嘗為之今贈莫之用詩亦彷彿體抱犬高眠已云足更得牛衣有餘燠起來敗絮擁懸鶉誰羨龍鬚織冰穀踏翻菜因底用羊從他春雷吼枯暘擊鐘烹鼎莫渠愛小毛自許猴葵香半世飢寒孔移帶鼠米占來身漸大吉雲神馬日西三榜蒲肯作豬奴態虎頭食肉何足誇陰德由來報必奢丹竈成功無躍兔玉函方秘綠青蛇則又不始於元人矣又客中間集

載林清以八音字爲句首云金紫何曾一掛懷石田茅
屋自天開絲竿釣日江頭住竹杖挑雲嶺上來匏實
曉收裁藥圃上花春長讀畫臺草除一點浮雲慮木
筆題詩酒數杯此八音詩也

藥名爲詩

藥名入詩三百篇中多有之如米芾言采其莖中
谷有摧墻者蒞董荼如飴之類此後惟文字中用之左
傳山鞠窮戰國策蘇秦曰人之所不食烏啄者註卽
本草烏頭也又淳于髡曰求柴胡桔梗於沮澤之中則
累世不得莊子藥者董也雞靡也豕零也韓非子此味
非飴蜜也必葶靡苦菜也呂氏春秋仲夏之用半夏生

又兔絲非無根也茯苓是也宋玉招魂白芷生淮南子
地黃主屬骨甘草主生肉又亂人者芎藭之与葶本
也蛇牀之与靡蕪也又蛇牀似靡蕪而不能芳王褒九懷
有歎冬生劉向九嘆有筐澤瀉以豹鞞王充論衡言毒
篇有巴豆野葛食之殺人皆藥名之見於古者而以之
入詩甚少如張籍答鄱陽客詩江臯歲暮相逢地黃葉
風前半夏枝柳子厚蔣藥間庭延固老開尊虛室值賢
人固老甘草也雍陶詩村園門巷多相似處處春風枳
殼花姜堯章詩土肥抽盡宿砂苗陳白沙詩恰似溪窮
處邨人枳殼花楊夢山詩常記住家亭子上連翹花發
共銜杯此不過與會所觸偶拈入詩非專以關巧也乃

有專以此見奇者陸龜蒙有烏啄蠹根回及斷續五琴
哀之句實始濫觴沈括謂烏啄乃啄之訛藥中只有
續斷無斷續也過八詩詰陳亞郎中以藥名爲詩至百
首如風雨前胡夜軒窓半夏涼棋怕臘寒呵小子下夜嫌
春煖宿紗裁又咏上元夜遊人云但看車前牛領上十
家皮沒五家皮贈乞雨自曝僧云不雨若令過半夏定
應曬作葫蘆巴人陳字亦有交趾驛作藥名詩長空
青茫大澤瀉日色史君子何來山椒遠干役虎狼毒草
叢淚如鉛水滴更苦參子商骨肉桂海隔問天何當歸天
南星漢白比皆遊戲筆墨頗亦可喜客中間集亦有四海
無遠志一溪甘遂心之句

又咏白髮云若是道
頭不白老君當日合烏
頭

拆字詩

南宋人苕溪集有拆字詩一首日月朝昏山嵐嵐自
起石皮破仍堅古木枯不死可人何當來意若千里
永言詠黃鶴志士心未已

口吃詩

寓簡載劉元父嘲吃者云本是昌家又爲非類但有雄
聲惟聞艾氣謂周昌韓非揚雄鄧艾也此但取口吃故事
非口吃詩也王阮亭池北偶談載文太青戲作口吃詩云
黠子向客苦哆口漆栗筆蜜于柳酒按此事見墨客
揮犀鳳州三出手柳酒宣城四出漆栗筆蜜皆土產

也然口吃詩不自文太青始唐姚合有葡萄架詩云
藤洞庭頭引葉濛濛搖皎潔釣高掛玲瓏影落寮
陰烟壓幽屋濛密意真苗清秋青且翠冬到凍都凋又
冷齋詩話載東坡有口吃詩云江子高居堅關扃耕健躬
駕角挂經孤航繫舸菰芡隔笳鼓過軍雞狗驚解襟顧
影各箕踞擊劍高歌幾觥荆供贈愧攪聒乾鍋更曼
甘瓜羹可見遊戲筆墨古人已有之至如謝在與徐興
公贈口吃孝廉之作謝二首云綠柳龍樓老林蘿嶺
路涼露來蓮漏冷兩淚落劉郎黎嶺連路蘭陵累
樓流離憐冷落郎輦懶來畱徐一首云畱戀蘭陵令
淋漓兩淚流嶺蘿涼弄瀨路柳綠連樓此又太青之後踵

爲之者也

雙關兩意詩

古樂府何當大刀頭破鏡飛上天石闕生口中銜悲不
能語子夜歌云霧露隱芙蓉見蓮不分明燈照空局
悠然未有期理絲入殘機何悟不成匹讀曲歌云芙蓉
腹裏芙蓉子從心起唐詩如高山種芙蓉復經黃蘗塢
未得一蓬時流離嬰辛苦窓外山魈立知渠脚不多二
更機底下摸者是谁梭玉作彈碁局心中最不平又劉
禹錫詩東邊日出西邊雨道是無情也有情玲瓏骰子
安紅豆入骨相思知未知李義山無題詩春蠶到死絲
方盡蠟炬成灰淚始乾陸龜蒙且日思雙履明時願早

諧皮日休莫言春繭薄猶有萬重絲又珊瑚鈎詩話碧
藕連根絲不斷紅蕖著子意何多又東坡蓮子劈開須
見薏楸枰著盡更無棋破衫却有重縫處一飯何曾忘
卻匙趙彥村注云此吳歌格借字寓意也薏子意棋与
期縫与逢時与匙俱同音也又東坡在黃州書一聯云
葑草尚能攔浪藕絲不解留蓮亦用此體高李迪竹枝
詞春衣未織機中錦只是長絲那得縫亦以絲借作思
縫借作逢也元人徐夢吉西湖竹枝詞云莫爲採蓮忘
却藕月明風定好廻船借藕作偶也

壽詩輓詩悼亡詩

壽詩輓詩悼亡詩惟悼亡詩最古潘岳孫楚皆有悼亡

詩載入文選南史宋文帝時袁皇后崩上令顏延之爲
哀策上自益撫看悼亡感令懷昔八字此悼亡之名所
始也崔祖思傳齊武帝何美人死帝過其墓自爲悼亡
詩使崔元祖知之則起於齊梁也葉水心題蜀僧北澗
集云集中有上生日詩不可傳於後是宋時猶以稱壽
詩爲戒即仁寶云輓詩盛於唐非無交而涕也壽詩盛
於宋漸施於官府亦無未同而言者亦見懷麓堂詩
話近時二作不論識与不識轉相徵求動成卷帙可恥
也空同大復集以中少之此過人矣

帖子詞

宋時八節內宴翰苑皆撰帖子詞如歐陽公司馬溫公

集中皆有之丹陽集載春帖子詞尤多如蘇子容云璇
霄一夕斗杓東潏潏晨曦照九重和氣薰風摩蓋壤
競消兵甲事春農鄧伯溫云晨曦潏潏上簾櫳金屋熙
歌吹中桃臉似知宮宴早百花頭上放輕紅蔣穎叔云
昧且求衣向曉雞蓬萊仗下日將西花添漏鼓三聲遠
柳吹春旗一色齊梁君賦云東方和氣斗回杓龍角
中星轉紫霄聖主問安天未曉求衣親護紫宸朝
皆莊麗可誦見太平景象乃明成化中編修黃仲昭檢討
莊景不肯上元宵詞且上疏論列以去按宋史鄒浩為
教授范純仁托撰致語浩不肯純仁曰翰林學士嘗為之
浩曰翰林學士則可祭酒司業則不可致語字帖子詞同
類是浩亦未嘗以翰林為不可換也况高李迪詩云去
歲端陽直禁闈新題帖子進彤扉則明初猶有此例而
仲昭等并不知其不學甚矣潤色太平翰林本職歐陽
司馬何害其為名臣亦何損於朝政乎

口號

杜詩有題曰口號者如晚行口號之類然梁簡文帝有
和衛尉新渝侯巡城口號詩唐張說有十五夜衛前
口號詩則不始於杜也

元韻原韻

近代詞章家和朋友詩則曰原韻和御製詩則曰元韻
蓋取元音之元示尊崇不知原韻本應作元韻並非

假借也元者本也本來曰元來班固兩都賦元之本
是也若原字則原蠶原廟皆作再字解初無所謂本
來之義不知何以遂替元字顧寧人日知錄謂洪武中
臣下有稱元任官者嫌於元朝之元故改此字然則昔
以元為本字而以避嫌改為原今反以原為本字而以
應制特改為元古今事物遷流隨世轉移者固非一端
即此可類推也

即席

宋武帝延後進二千餘人置酒賦詩蕭介染翰即成
文不加點臧盾以詩不成罰酒一斗盾飲盡言笑自若
帝曰臧盾之飲蕭介之文皆即席之美也南史梁武帝製

武宴詩二十韻示羊侃即席上應詔後世即席賦詩
本此

古詩別解

人生不滿百謂行樂當及時也新唐書李石對文宗曰
人生不滿百常懷千歲憂畏不逢時也晝短苦夜長
闌時多也何不秉燭遊勸之照也則此詩又作勸勵解曹
孟德樂府對酒當歌人生幾何當字令人作宜字解然
待字對字並言則其意義相類世說新語王長史語不
大當對言其非敵手也元微之寄白香山書有當花對
酒之語學齊帖嘿載古鏡銘有云當眉寫翠對臉傳
紅是當字皆作對字解曹詩正同此例今俗尚有門當戶

劉之語

陶詩甲子紀年

自宋書及南史既五臣文選注謂陶淵明詩自晉義熙以後皆題甲子後世遂仍其說

王新城池北偶談獨引傅平

叔辨陶詩中凡題甲子者十比皆是晉年何得先棄司馬家年號而預書甲子以為此論發前人所未發不知宋景濂集已有此論景濂跋淵明像云其詩中甲子始於庚子迄於丙辰凡十有七年皆晉安帝時作初不聞題隆安義熙之號至其間居詩有空視時運傾擬古九章有忽值山河改之語必宋受禪之後乃反不書甲子何

也是此論已發自金華又按謝枋得碧湖雜記謂治平中虎邱僧思悅編淵明詩謂甲子者始庚子迄丙辰凡十有七年皆晉安帝時作至恭帝元熙二年庚申宋始受禪自庚子至庚申蓋二十年豈有宋未受禪而預題甲子之理曾表父詩話及郎仁寶七修類稿亦主其說然則此論南宋時已有之并不自金華始也蓋山又謂劉裕自庚子得政後晉室大權盡歸相府淵明自庚子後即題甲子者蓋逆知末流必至於此也此說又巧為附合耳後人有倣而行之者南唐自顯德五年用中原正朔士大夫以為恥碑文但書甲子見懶真子又歸德人趙俊偽齊劉豫時卻聘不仕凡家書文字不用豫僭號

但畫甲子見宋史本傳

杜詩金蝦蟆

杜詩坡陀金蝦蟆出見蓋有由至尊顧之笑王母不肯
收復歸虛無底化作長黃蚪錢註引西陽雜俎所載月
光屬林化金背蝦蟆事以為日者陰精后妃之象托喻
貴妃之暱祿山也按瀟湘錄唐高宗忠頭風宮人穿地
置藥爐忽有蝦蟆躍出色如黃金北省朱畫武字宮
人奏之帝驚異命放苑池則杜詩所咏正其實事而非
如註家所云也

乞為奴

哀王孫篇但道困苦乞為奴論者謂極言流離之苦不

知亦有所本南史齊建安王子真明帝遣裴叔業就
典籤柯人令孫殺之子真走入床下令孫牽出之即頭
乞為奴又河東王鉉亦為明帝所害聞收者至曰死生命
也終不做建安乞為奴而不得遂仰藥卒梁武陵王紀
太子圓照被收謂陸法智願為公作奴法和吐遣之
北齊樂陵王百年為武成帝所害將死曰乞命願為
阿叔作奴此皆王子王孫事少陵詩正本此乃益見其使
事之精核也

李義山詠詩

李義山詠史詩歷覽前賢國與家成由勤儉破由奢按
韓詩外傳戎王使由余於秦穆公問以得失之要對曰

古者困者未嘗不以恭儉也失國者未嘗不以驕奢也
義山之詩蓋本此不得以其明白易曉遂以為無來歷
也

唐彦謙長陵詩

唐彦謙長陵詩耳聞明主提三尺眼見愚民盜一犁
石林謂一坏可去土字三尺不可去劍字按漢書高帝
本紀上曰吾以布衣提三尺取天下豈非天命乎鹿門
此詩正用漢書成語非杜撰也

聶夷中詩

聶夷中傷田家詩云二月賣新絲五月糶新穀醫得
眼前瘡剗却心頭肉學齊占畢引之以為最得風人之體

但二月安得有絲當是傳寫之誤耳云云不知此正所
謂醫瘡剗肉也蓋二月絲未出五月穀未登而迫不及
待則預指將來所出之絲穀以售人錢正如陸宣公疏
所云蠶事方興已輸縑稅農功未艾遽斂穀租也今
里俗有如此者

紫濛

宋鄭毅夫送程公闢出守會稽詩雪急紫濛催五
勒日長青瑣聽薰絃方回注紫濛虜中館名也陳繼
儒枕譚則引晉書載記慕容氏邑於紫濛之野謂詩音以
慕容比遼而謂方回注出於臆見楊用修亦引此以為是時
遼宋方睦故臣下贈答之詩亦不涉譏刺而方虛谷以

為館名乃妄猜之詞耳按新唐書地理志平州有十二
戍一曰紫濛亦見五代史四夷附錄而張守珪傳討契
丹次於紫濛川大閱軍實紫濛之為邊戍久矣宋史章
頻傳頻為刑部郎中使契丹至紫濛館卒契丹遣侍
就館奠祭則紫濛實館名也注者非誤而眉公及用修
轉失之耳韓琦安陽集有紫濛遇風詩草白岡長暮
驛賒朔風終日起平沙之句益知紫濛為遼地名而非必
援引慕容故事也

東坡詩咏三良

東坡鳳翔詩云昔公生不誅孟明豈有死之日而反用
其良乃知三子殉公意亦如齊之二子從田橫和陶咏

三良亦云此生太山重忽作鴻毛遺三子死一言所死
良已微是蓋以三良之死為出於自殉而非穆公之亂
命也按漢書匡衡傳秦穆貴信而士多死應劭註云公
子羣臣飲酒酣公曰生共此樂死共此哀奄息仲行鍼
虎許諾及公薨皆從死魏人哀三良詩亦云秦穆生下
世三臣皆自殘生時等榮樂既歿同息患坡詩實未諸
此楊循吉亦謂穆公不殺敗軍之三將豈有以三良為
殉之理則又本東坡之說

赤壁賦洞簫客

東坡赤壁賦客有吹洞簫者不著姓字吳匏菴有詩云
西飛一鶴去何祥有客吹簫揚世昌當日賦成誰與註

數行石刻舊曾藏據此則容乃楊世昌也按東坡次
孔毅父韻不如西州楊道士萬里隨身只兩膝又云楊生
自言識音律洞簫入手清且哀則世昌之善吹簫可知
匏菴藏帖信不妄也按世昌綿竹道士字子京見王
註蘇詩

陳季常

陳季常作龜軒坡贈詩云聞君開龜軒東檻俯喬
木人言君畏事欲作龜頭縮此但言其謝絕塵事耳
於懼內無涉也後人因坡又看戲季常詩云心聞河東
獅子吼柱杖落手心茫然王註云看王硯者字達觀為坡
言季常妻柳氏最如每季常設客有聲妓則柳氏以杖擊手
壁天呼客為散去於是傳奇家演其事至極可笑而近世
諱言龜者并附會以此為事始然坡別季常詩云家有
紅顏兒能唱綠頭鴨是季常有歌妓也閉門再添丁哇
笑雜呱泣是季常本有子也亦何至如傳奇之穢褻哉

李夢陽詩重韻

韓昌黎郕城聯句云兩廂鋪攪逾五鼎調勺藥又云但擲雇笑金仍祈卻老藥一首乃用二藥字袁文云煎藥字本子虛賦中勺藥之和具而後御之勺音酌藥音略也後藥字乃如字也則字雖同而音義各別固不妨兩押李夢陽

送徐子將適湖湘有云長安

繡陌行麒麟末句又云歸來著畫追獲麟

兩麟

字無兩音兩義

王阮亭柳墓詩

王阮亭謂儀真柳屯田墓兵地名仙掌故其真州詩內

有錢月曉風仙掌路何人爲弔柳屯田之句然曾達臣
獨醒志謂柳耆卿死葬於棗陽縣花山遠近詞人每遇
清明日多載酒飲於其墓側謂之弔柳會則柳墓在襄
陽不在真州也阮亭或未深考耳

蘇軾千秋歲詞賦有云

詩作嗚噓

詩人有以佳句得名者如趙嘏之長笛一聲人倚樓而
人稱爲趙倚樓也鄭谷之咏鷓鴣有花落黃陵廟裏啼
而人稱爲鄭鷓鴣也鮑當以孤鴈詩謁薛映尚書有不
惜充君庖爲帶邊城信薛大稱賞而稱爲鮑孤鴈也謝
無逸咏蝴蝶有江天春晚暖風細相逐賣花人過橋而稱
爲謝蝴蝶也韋莊遇黃巢之亂作春婦吟云內庫燒
爲錦繡灰天街踏盡公卿骨時稱爲秦婦秀才也許棠
有洞庭詩最工人稱爲許洞庭也范鎮嘗作長嘯卻敵
賦後嘗使遼人稱爲長嘯公也賀鑄字方回有江南梅
子之句傳播人口人稱爲賀梅子也應子和蠟炬短燒
紅風過落花紅兩岸夕陽紅而稱爲三紅秀才也梅聖
俞以咏河豚詩最工兩稱爲梅河豚也劉一止以曉行
詩得名稱劉曉行也參寥僧有隔林彷彿聞機杼知有

人家住翠微之句後東坡在黃州之士大夫問坡曰
聞有詩僧相從豈即隔林彷彿聞機杼者乎坡謂參寥
曰此和尚七字號也元人錢塘張叔夏以春水詞得名
人呼為張春水前明袁海叟因白燕詩月明漢水初無
影雲滿梁園尚未歸稱為袁白燕張燦為學士聯句得
單字有細雨斜飛燕子單之句馬端肅呼為燕子單學
士崔不雕因黃葉聲多酒不辭之句王新城稱為崔黃
葉此皆以詩句得美名也亦有以詩作嗚噓者古今詩
話張昌齡謂蘇味道曰某詩所以不及相公者為無銀
花合蓋以蘇元夕詩有火樹銀花合之句也蘇答曰某
所以不及相公者為無金銅丁蓋以張贈昌宗詩有昔

日浮邱伯今同丁令威之句也李義山詩鏤月為歌
扇裁雲作舞衣自憐迴雪態好取洛川歸有棗強尉張
懷慶加為七字句生情鏤月為歌扇出性裁雲作舞衣
照鏡自憐迴雪態來時好取洛用歸人謂之活剝張昌
齡生吞郭正一據言白樂天刺蘇詩人張祐來謁白曰
久欽君款頭詩祐愕然白曰鴛鴦鈿帶拋何處孔雀羅
衫付阿誰非款頭耶祐微笑仰答曰亦嘗記得舍人目
連變白曰何也祐曰上窮碧落下黃泉兩處茫茫皆不
見非目連變耶又北夢瑣言盧廷讓哭邊將詩曰牒多
身上職盈大背邊瘡人謂是打脊詩又有人詩云牒下
有詩留宿客室中無事件僧眠人以為自落便宜詩賈

鳥吳僧詩云寫雷行道影焚卻坐禪身時謂之燒殺活
和尚抒情集周繇謂羅隱曰足下有女幃子詩極好隱
不喻繇曰若教解語應傾國任是無情也動人非女幃
子耶隱大笑曹唐金陵佛寺詩云水底有天春漢之人
間無路月茫茫人謂之鬼詩僧貫休上蜀王建詩有萬
水千山得來之句建呼爲得和尚劉貢父詩詰韓
昌黎贈五川子詩曰少室山人索價高兩以諫官徵不
起又曰先生抱才須大用宰相未許終不仕王子直謂
韓與處士作牙人商度物價六一詩詰記聖俞嘗云有
贈漁者曰眼前不見市朝事耳畔惟聞風水聲或以爲
此漁人患肝腎風又有咏詩者云盡日覓不得有時還
自來或以爲此人失卻猫兒詩也百斛明珠記杜默有
學海波中老龍聖人門前大蟲之句謂此乃京東學究
飲私酒食脹死牛肉醉飽而後發者孫勳有夜坐詩畫
多灰漸冷坐久席成痕沈彬謂田舍翁火爐頭語詩詰
總龜張文潛作虎圖詩云煩君衛吾寢振此蓬華陋坐
令盜肉鼠不敢窺白書潘邠老云卻是猫兒詩也後山
詩詰云白樂天笙歌歸院落燈火下樓臺非富貴人語
乃看人富貴者也楊蟠金山詩云天末樓臺橫北固夜
深燈火見揚州王平甫謂莊舍牙人解量四至吳檜錢
塘詩到江吳地盡隔岸越山多或謂分界堠子語也程
師孟作靜堂題詩曰每日更忙須一到夜深還是點燈

來人以為登函詩悅生堂隨抄僧法海好作惡詩郊從事序之曰皆小杜在老杜之下今師又在小杜之下直方詩話張文潛作大旱詩天邊趙盾益可畏水底武侯方醉眠人以為幾於湯煇右軍也昔有送熟鵝者曰湯煇右軍王荆公作謝公墩詩我名公字偶相同我屋公墩在眼中公去我來墩屬我不應名姓尚隨公人謂與死人爭地界李稼軒即越遣人招劉改之改之在西湖有事不及行作詞答曰斗酒彘肩醉渡湖江豈不快哉被香山居士約林和靖與蘇公等駕勒吾回坡謂西湖正如西子濃抹淡粧臨照臺諸人者都掉頭不顧只管傳杯白云天竺去來畫圖裏崢嶸樓觀開看縱橫劍

東西水遶兩山南北高下雲堆逋曰不然暗香疎影只可孤山先探梅蓬萊閣訪稼軒未晚且此徘徊改之嘗以此語岳侍郎倦翁岳日詞句固佳但恨無力圭藥療君白日見鬼証耳裴說嘗作杜工部墓詩云擬鑿孤墳破重教大雅生瘳凝笑以為掘墳賊金人張翥有西風了卻黃花事不管安仁兩鬢秋之句人號為張了卻趙諷有好景落誰詩句裏蹇驢馱我畫圖中人稱為趙蹇驢

陔餘叢考卷二十五

陽湖 趙羽異 耘菘

年號重襲

年號紀元自漢武始上自朝廷下至里社垂契記載無不便之誠千古不易之良法也按周厲王出居于虢公卿相年而改號曰共和做此為年號之始又劉賁父兩漢刊誤云年號之起由漢武之元鼎始矣仁傑云武帝即位大率六年一改元亦未有年號至五元之三年因有司言元宜以天瑞不宜以二數乃追改一元為建元三元為元光三元為元朔四元為元狩而五元尚未有名者意將有待也明年寶鼎出遂改五元為元鼎而以後是年為元鼎四年然歷世既久而所取吉祥字止有此數稍不詳考未有不至重襲者宋太祖建號乾德以為自古未有後於宮中見鏡有乾德四年字以問寶儀奏曰蜀少主之號証驗之果鏡自蜀中來乃嘆曰宰相須用讀書人宋徽宗號

建中靖國中丞王覲謂建中乃唐德宗之號當以德宗
為戒宋孝宗嗣位初擬改元重熙注應辰謂契丹嘗以
紀年而遼即律資忠亦謂興宗不當用唐景福年號
是知時代久而年號多最易相襲今歷考各朝不特
此乾德建中重熙景福之一二重出也古正統之代襲
用前代舊號者有僭竊之主襲用前代舊號者有僭
竊之主彼此年號相同者有正統之代反與僭竊之號
相同者如漢武帝年號建元而晉康帝齊高祖亦俱
號建元劉聰符堅漢宣帝號甘露而魏高貴鄉公吳主皓亦
俱號甘露符堅漢宣帝又號黃龍而吳大帝亦號黃龍漢
光武帝號建武而晉惠帝晉元帝齊明帝亦俱號建

武漢明帝號永平而晉惠帝後魏宣武帝亦俱號永平李暹
漢章帝號元和而唐憲宗亦號元和漢安帝號永初而
宋武帝亦號永初漢順帝號永和而晉穆帝亦號永和
姚泓乞伏慕末高漢冲帝號永嘉而晉懷帝亦號永嘉漢桓帝號
永興而晉惠帝後魏明元帝亦號永興冉閔符堅漢桓帝又
號永康而晉惠帝亦永康乞伏熾漢桓帝又號元嘉
而宋文帝亦號元嘉魏明帝號太和而晉海陽公奕後
魏孝文帝唐文宗亦俱號太和石勒李勢魏齊王芳號正
始而後魏宣武帝亦號正始蜀後主號建興而吳主亮
晉愍帝亦號建興張元觀李雄慕容垂吳主亮又號太平而梁敬帝
遼聖宗亦俱號太平馮跋林上晉武帝號泰始而宋明帝

亦號泰始晉惠帝號永熙而後魏太武帝亦號永熙晉
惠帝又號永安而後魏莊帝亦號永安沮渠蒙孫夏晉元
主乾順亦同
帝號永昌而唐豫王旦亦號永昌李自齊明帝號永泰
而唐代宗亦號永泰梁武帝號大同而遼太宗亦號大
同陳後主號至德而唐肅宗亦號至德唐德宗號貞
元而金海陵王亮亦號貞元唐昭宗號景福而遼興宗
亦號景福遼道宗號大安而金衛王允濟亦號大安皆
後代年號于前代同者也漢武帝號太初而苻登乞伏乾
歸禿髮烏孤宋元凶劼亦俱號太初漢宣帝號五鳳而
孫亮竇建德亦俱號五鳳漢哀帝號建平而石勒慕容
容望慕容盛慕容德後魏京兆王元瑜亦俱號建平漢
章帝號建初而李特姚萇李嵩亦俱號建初魏文帝號延
康而沈法興亦號延康魏明帝號青龍而北燕蘭汗亦
號青龍魏齊王芳號嘉平而劉聰禿髮儁檀亦俱號嘉
平晉武帝號咸寧而呂纂亦號咸寧梁簡文帝號大寶
而南漢劉鋹亦號大寶北齊文宣帝號天保而後梁蕭
歸亦號天保北齊後主緯號武平而高紹義亦號武平
後周明帝號武成而李希烈王建亦俱號武成唐太宗
號貞觀而夏主乾順亦號貞觀唐豫王旦號載初而安
慶緒亦號載初唐昭宗號天復而遼末回離保亦號天
復唐昭宗又號天祐而張士誠亦號天祐唐昭宗又號
大順而張獻忠亦號大順石晉高祖號天福而遼末耶

律淳亦號天福漢隱帝號乾祐而夏主仁孝亦號乾祐
宋英宗號治平而徐壽輝亦號治平此僭竊之主年號
于前代同者也劉聖公號更始而慕容冲乞伏乾歸亦
俱號更始孫皓號天冊而董昌亦號天冊孫皓又號天
璽而慕容儁亦號天璽劉聰號麟嘉而呂光亦號麟
嘉慕容覲號建明而元奕呂苟兒亦俱號建明慕容
垂號燕元而慕容德亦號燕元梁蕭棟號天正而蕭紀
亦號天正遼末移刺高幹亦號天正蕭琮號廣運而劉繼
元西首又元昊亦號廣運史思明號應天而朱泚劉守光
夏主安全亦俱號應天史思明又號順天而董昌郝儀
亦俱號順天王建號光天而南漢劉玢亦號光天此僭偽
草竊之年號彼此相同者也慕容永號中興而齊和帝
亦號中興元韻梁師都號永隆而唐高宗亦號永隆韻王
蕭譽號大定而周靜帝金世宗亦俱號大定乞伏國仁
號建義而後魏莊帝亦號建義楊難當邢杲號天統而
北齊後主亦號天統明玉珍南漢龔號乾亨而遼景宗亦
號乾亨南唐李景號保大而遼天祚亦號保天劉承鈞
號天會而金太宗亦號天會南唐賊張遇賢睦州賊方
臘俱號永樂而明成祖亦號永樂夏主乾順號正德而
明武宗亦號正德楊安兒號天順元泰定帝子阿速吉
八立數日亦號天順明英宗亦號天順梁蕭莊後魏元
法僧皆號天啓而明熹宗亦號天啓此則建國立統之

朝反与僭竊年號同者也彼僭偽草竊之朝疎漏荒略不及詳考層見複出固無足怪若昇平之世載籍具在文士盈庭乃亦何以漫無稽考若是尤不可解者前明之永樂天順天啓皆乱賊號也以大一統之朝偏聽用乱賊年號更足貽笑千古矣元順帝慕世祖之重紀至元意雖出於法祖然御史李好文已言年號龍襲舊於古未聞按晉惠帝號建武晉元帝亦號建武又唐高宗有元之號而肅宗亦號元是一朝二號相同亦不始於元若後魏孝武之改元永興也後以與先世明元帝同號遂改永熙桓元初篡立改年為建始以與趙王倫同號遂改永始而永始又王莽受封之年乃改大亨西夏元昊建元開運或告以石晉亡國之號遂改廣運以偏安閭位僭竊

之朝尚知檢避有明諸臣乃反不如元魏西夏何也蓋前代正統紀年載在史策易於稽核至僭竊之號則散見於他書非如正史編年之可考遂不覺暗合而不自知其陋耳昔宋庠有紀年通譜今已失傳王應麟玉海所載頗詳而宋以後無述近日陳景雲有紀元要略具載歷代正史所紀年號景雲子黃中又增輯諸僭偽之國頗為該備然於草竊盜賊所建偽號尚多遺漏今撮錄各朝紀年及僭竊各年號分別於後庶覽者有所考焉

歷代正史編年各號

漢武帝建元 元光 元朔 元狩 元鼎 元封 昭帝始元 元鳳

太初 天漢 太始 征和 後元

宣帝本始 甘露 神爵 元帝初元 永光 成帝建始 河平

陽朔 鴻嘉 永始 哀帝建平 元壽 帝又以方士言欲改太初元將四字中止 平帝元始

孺子嬰初始

光武帝建武 建武中元 明帝永平 章帝 建初 元和 和帝

永元 元興 延平 又號 延光 永寧 章和 安帝永初 元初 永寧 建光 延光 順帝永建 陽嘉 永和 漢安

建康 元延 見玉海 冲帝永嘉 質帝本初 桓帝建和 和平 元嘉 永興

靈帝建寧 熹平 中平 少帝昭寧 獻帝永漢 初平 興平 建安 延康

魏文帝黃初 明帝 太和 青龍 景初 齊王芳正始 嘉平 高貴鄉公髦

甘露 正元 咸熙 元帝景元 侯官侯亮建興 太平 五鳳 景帝 休 永安

吳大帝黃武 黃龍 嘉禾 赤烏 太元 神鳳 侯官侯亮建興 太平 五鳳 景帝 休 永安

歸命侯皓元興 甘露 寶鼎 建衡 鳳凰 天冊 天璽 天紀

晉武帝泰始 咸寧 太康 太熙 惠帝永熙 永平 元康 永康 永寧 懷帝

永嘉 愍帝建興

東晉元帝建武 太興 明帝 太寧 成帝咸和 咸安 康帝建元 穆

帝永和 隆和 哀帝隆和 海西公奕太和 簡文帝咸安 孝武

帝寧光 太元 安帝隆安 元興 恭帝元熙

宋武帝永初 又號 大寧 見玉海 營陽王義符景平 文帝元嘉 孝武帝

孝建 大明 廢帝子業 永光 景和 明帝泰始 泰豫 蒼梧王昱元徽 順帝

齊高祖建元 武帝永明 鬱林王昭業隆昌 海陵王昭文

延興 明帝建武 永泰 東昏侯寶卷永元 和帝寶融 中興

梁武帝 天監 大同 中大通 中大通 簡文帝 大寶 元帝 承聖 敬

帝 紹泰 太平

陳武帝 永定 文帝 天嘉 天康 臨海王伯宗 光大 宣帝 大建 後

主叔寶 至德 順明

後魏道武帝 登國 皇始 天賜 延和 大延 明元帝 永興 神瑞 泰常 又號成熙見玉海 太武帝

孝文帝 延興 承明 正光 太平 真君 正平 宣武帝 景明 正始 永安 又號熙平見玉海 孝明帝

北齊文宣帝 天保 廢帝 殷 乾明 孝昭帝 皇建 武成帝 大寧 河清

後主 隆化 緯 武平 恒 承光

後周明帝 武成 武帝 保定 天和 建德 宣政 宣帝 大成 靜帝 大象 大定

隨文帝 開皇 仁壽 煬帝 大業 代王侑 義寧 越王侗 皇泰

唐高祖 武德 太宗 貞觀 高宗 永徽 顯慶 龍朔 麟德 乾封 總章 咸亨 上元 儀鳳 調露

永隆 開耀 永淳 宏道 豫王旦 文明 光宅 垂拱 永昌 載初 武后 天授 如意 長壽 延載 證聖 天冊

萬歲 萬歲 登封 萬歲 通天 神功 聖歷 久視 大足 長安 中宗 嗣聖 神龍 睿宗 景雲 景雲 大極

延和 元宗 開元 天寶 肅宗 至德 乾元 上元 寶應 代宗 廣德 永泰 大曆 德宗

建中 興元 貞元 順宗 永貞 憲宗 元和 穆宗 長慶 敬宗 寶曆 文宗 太和 開成 武宗 會昌 宣宗 大中 懿宗 咸通 僖宗 乾符 廣明

中和 光啓 昭宗 龍紀 大順 景福 天復 天祐 乾寧

後唐 莊宗 同光 明宗 天成 長興 啟帝 應順 潞王從珂 清泰

後唐 莊宗 同光 明宗 天成 長興 啟帝 應順 潞王從珂 清泰

後唐 莊宗 同光 明宗 天成 長興 啟帝 應順 潞王從珂 清泰

後唐 莊宗 同光 明宗 天成 長興 啟帝 應順 潞王從珂 清泰

後唐 莊宗 同光 明宗 天成 長興 啟帝 應順 潞王從珂 清泰

後唐 莊宗 同光 明宗 天成 長興 啟帝 應順 潞王從珂 清泰

後唐 莊宗 同光 明宗 天成 長興 啟帝 應順 潞王從珂 清泰

後唐 莊宗 同光 明宗 天成 長興 啟帝 應順 潞王從珂 清泰

後唐 莊宗 同光 明宗 天成 長興 啟帝 應順 潞王從珂 清泰

後唐 莊宗 同光 明宗 天成 長興 啟帝 應順 潞王從珂 清泰

後唐 莊宗 同光 明宗 天成 長興 啟帝 應順 潞王從珂 清泰

○ 孝靜帝 天平 元象 興和 武定
○ 廢帝 無年
○ 恭帝 無年

王莽建國天鳳地皇 劉聖公更始 劉盆子建世 隗囂漢復

公孫述龍興 後漢賊師張曼成神上 公孫淵紹漢

西晉趙王倫建始 南陽王保建康

山都賊邱沈神鳳 桓謙天康 巴酋句渠知平趙

東晉桓元大序 建始 永始 桓謙天康 巴酋句渠知平趙

漢劉淵元熙 永鳳 劉聰光興 嘉平 麟嘉 劉粲漢昌

前趙劉曜光初 石宏延熙 石虎建武 石遵永寧 石鑿龍

後趙石勒太和 建平 石宏延熙 石虎建武 石遵永寧 石鑿龍

冉閔永興 石虎時賊李子揚僭號大黃帝 龍興

前秦苻健皇始 苻生壽克 苻堅永興 甘露 苻丕大安 苻

登大初 苻崇延初 賊師張琚建昌

後秦姚萇白雀 建初 姚興皇初 安始 姚泓永和 竇衡元光

蜀李特華陽國志云皇平 李雄建興 太武 李期玉恒 李壽漢

李勢太和 又有妖賊李宏偽稱李勢子 年號鳳凰見

前燕慕容儁元璽 慕容暉建熙 為苻秦所滅 苻秦

亂後慕容氏復起慕容泓燕興 慕容冲更始 段隨

慕容容建明 慕容望建平 慕容忠建武 慕容

後燕慕容垂建興 慕容寶永康 慕容釗定鼎 蘭汗青龍

慕容麟延平 慕容盛建平 慕容熙光始 高雲正始

馮跋太平 馮宏太興

西燕慕容永中興

南燕慕容德 建平 慕容超 太

前涼張實 永安 張茂 太元 張重華 永樂 張祚 和子 張元

靚 建興 張天錫 太清 張大豫 鳳凰

後涼呂光 太安 麟嘉 呂纂 咸寧 呂隆 神鼎

西涼李暠 建初 李歆 嘉興 李恂 永建

西秦乞伏國仁 建義 乞伏乾歸 太初 乞伏熾盤 永康 乞

伏慕末 永和

南涼秃髮烏孤 太初 利鹿孤 建和 俸檀 宏昌

北涼段業 神璽 玉海 沮渠蒙遜 永安 始 牧犍 勝光

夏赫連勃勃 龍昇 鳳翔 赫連昌 承光 赫連定 勝光

氏王楊難當 建義

宋元凶劭篡位 太初 晉安王子勛 義嘉 武昌王渾 元光

檄文而有是稱非實 事也後竟以此被禍 曾爽 氏師趙廣 泰始 見宋 南譙王義宣 建平

齊唐寓之 興平 雍道晞 建義

梁蕭棟 昭明太子之子 武陵王紀 亦號 蕭莊 天啓 見南

蕭淵明 天啓 見南史 臨賀王正德 正平 交州民李賁 天德 見

侯景 太始

後梁蕭詧 大定 蕭山歸 天保 蕭琮 廣運

後魏南安王余 承平 為宗 博真 承平 太武 京兆王元愉

建平 汝南王元悅 更興 梁武 徐州刺史元法僧 天啓

北海王元顥 孝基 建武 長廣王元暕 建明 爾 章武王

元朗中興高 歡所立 賊帥鮮于修禮魯興 杜洛周真王 陳

雙熾始建 葛煥廣安 邢杲天統 莫折念生天建 見蕭寶

万俟醜奴神虎 蕭寶寅隆緒 破六韓拔陵真王 陳郡賊

劉獲鄭辨天授 山胡劉豸神嘉見 汾州胡王巨觴

平都見 司馬小君聖君見道 呂苟兒建明 涇州賊陳瞻

北齊書 聖明見景 飢胡白亞栗期建平 翟遼建光 見玉海

北齊安德王高延宗德昌立 二日而滅 范陽王高紹義武平 查突厥後即位

稽胡賊劉沒鐸右平

隨末賊師向海白鳥 劉迦大世 朱粲昌達 操師乞北史 謂年

號始興 隋書及 唐書謂年號天威 林士宏太平 玉海 又云天成 李子知丑平 舊唐 書作正平 竇

建德丁丑 五鳳 王世充開明 字文化及天壽 李密舊唐書謂 魏公元年

新唐書謂 改元永平 李軌安樂 薛舉秦興 劉武周天興 李元

曇成法輪 蕭銑鳳鳴 劉黑闥天造 沈法興延康 李子

通明政 梁師都永隆 曹武徹通聖 輔公祐天明 玉海 又 右乾德之號

高開道天成 始興

唐殤帝唐隆 譙王重福中元克復 濮王天壽 見 玉海 嗣襄

王煜建貞 玉海 作永貞 安祿山聖武 安慶緒載初 天和 通鑑作天成 史思明順天

史朝義顯聖 李希烈武成 段子璋黃龍 見 通鑑 浙東賊袁

晁寶勝 昇因 朱泚應天 天皇 黃巢王霸 金統 裴甫羅平 土摩沙通

五代梁郢王女珪立鳳歷 劉守光應天 見 玉海

吳楊隆演武義 楊溥順義 乾貞 本和 天祚

前蜀王建武成 永平 通正 天漢 光天 王衍乾德 咸康 蜀賊張育黑龍 程

道卷 泰始

後蜀孟知祥 明德 孟昶 廣政

南漢劉龔 乾亨 白龍 大有 劉玠 光元 劉晟 應乾 乾和 劉鋹 大有

閩王璘 龍啓 玉海 又作永和 王昶 通文 王曦 永隆 王延政 天德

南唐李昇 昇元 李景 保大 中興 交泰 賊師張遇賢 永樂見 五代史

董昌 新唐書云天冊 五代史云順天

吳越錢鏐 寶正 見五代史 又有天寶寶二號見十 國春秋及齊魯筆又有廣初號見玉海

北漢劉承鈞 天會 見李暉千佛樓銘 劉繼元 廣運

西夏元昊 開運 廣運 大慶 天授禮法延祚六字號 諒祚 延嗣寧國 天祐垂聖 福聖承道

歸仁 乾道 天賜禮盛國慶 乾順 天儀治平 天祐 雍寧元德 大慶 人慶 天安 禮定 卓順 民安永安貞觀 正德 大德 天盛 乾祐 純祐 天慶 安全 應天 皇建 道順 光定

德旺 乾定

遼人皇王倍 甘露 遼末東京詳穩大延琳 天慶 渤海

將高永昌 隆基 奚王回鹮保天復 耶律淳 建福 淳妻蕭

氏稱制 德興 梁王耶律雅里 神歷 蕭幹 天嗣 耶律大

石 延慶 天德 康國 大石妻塔不烟 咸清 子夷列 紹興 其妹

速普完 崇福 夷列次子直魚日古 天禧 耶律留哥 元統

宋貝州賊王則 得聖 廣源酋儂智高 啓歷 玉海 又有 端懿 景瑞等號

蜀賊王均 化順 睦州賊方臘 永樂見宣 和遺事 苗傳劉正彥 擅

立皇子專明受 洞庭賊楊么 庚戌 又有 大天聖之號 李順 應運

金劉豫 阜昌 山東賊郝定 順天 見 侯執 移刺窩幹 天正見遼 逆臣傳

東賊蒲鮮萬奴 天泰見 金宣宗紀 楊安兒 天順見僕 散安貞信 信州賊契

丹德壽陀鎖

身聖見內族裏傳

亂軍賊

天賜見完顏佐傳

元泰定帝之子阿速吉八

天順

順帝之子愛猷識

理達臘

宣光後又有年號曰天元者見高麗史

陳弔眼據漳州起兵復宋

年號昌泰見鄭所南集

邪期伯

天威本即律留哥部下乞奴金山推為遼主

乞奴金山

天德俱見耶律留哥傳

錦州賊張致興龍

廣州賊林桂芳延康

廣東賊

朱光卿

赤符

溫州賊陳空崖

治林兒龍鳳

張士誠

天祐徐壽輝

治平陳友諒

大義陳理

德壽明五珍統

明昇

開熙

明麻城賊李天保

武烈見明史李震傳

西華賊劉千斤

德勝見明史白圭傳

葉宗留之黨陳鑑胡

泰定見明史張驥及侯璉傳

白蓮賊徐鴻儒

大成

興勝見明史趙彥信

流賊李自成

永昌張獻忠

大順見明史

此外有外蕃年號見於唐書宋元明史及通鑑五海者今并摘錄

土番贊普普美泰

渤海王武藝

仁安

欽茂

大興華璵

瑜永往

言義

朱雀

大治建興唐書所記如是

匡鑑又謂明忠太始

南詔酋龍

建極見玉海

法

貞明承知大同六年

舜化

中興此外又有明聖保和政安明統未

號又有崇興大寶天瑞景星皆高字為號見玉海

日本王孝德

白雉

見唐書

又有天元

康保

仁平

延歷

永延

又有天平寶勝四字為號俱見玉海

文治

寬宏

應保

寶龜

白龜

天慶

天歷

未號

交趾陳日尊

寶象

神武

見宋史而玉海作李日尊

李乾德

此外又有

右天紀寶象皆以四字為號見玉海

章聖嘉慶

安南黎蒼 元聖 簡定 興慶 陳李擴 重光 塗山僧范玉 寧
黎利 順天 黎麟 維寧 黎濬 大實 黎琮 天 黎灝 洪德
黎暉 暹統 黎誼 端慶 陳高 纂立 應元 黎暉 洪順
莫登庸 明德 莫方瀛 大正 黎寧 元和 黎憲 光熙 俱見
聖安南傳

大理 有保天 道隆 文治 利貞 未號

高麗 有延祚 正豐 等號

于闐 有同慶 年號

柔然 有始平 年號

蜀叢帝 萬通 以上五 條俱見玉海

瓦剌也先自立可汗 添元 見 明史

此外道經有延康 赤明 龍漢 開皇 上皇 無極 永壽 等見隋志

改元

歐陽公云年號以一為元亦未嘗有法蓋古人之語爾
古謂歲之一月不曰一月而云正月國語六呂曰元間
太呂周易六爻曰初九大抵古人言數多不云一不獨
年號也後世始以孔子書元年為春秋大法遂以改元
為重事漢以後又名年以建元而稱號遂多不勝其紀
也按歐公此說亦臆度之詞古人最重者元漢律歷志
云曰始曰元傳曰元者善之長也又曰元體之長也三
統合於一元古人所謂元祀元年蓋取諸此董仲舒亦
曰春秋謂一元之意萬物所從始也元者辭之謂大也
謂一為元者視大始而欲正本也是建元為重事由來

久矣古者天子諸侯皆終身一元年無所謂改元者史記秦惠文王十四年更爲元年此實後世改元之始漢文帝因新垣平之言亦以十六年爲後元年景帝又有中元年後元年之改至武帝而改元十餘次後人但知改元自武帝始則以武帝有年號人所共見而不知改元實非始於漢武也歷代以來又有不應建元而卽有年號者如劉淵稱漢王卽建元元熙僭帝位又改永鳳石勒稱趙王卽建元太和僭帝位又改建平呂光據姑臧卽建元太安稱三河王又改麟嘉祚天王又改龍飛以及諸僭偽國如乞伏沮渠禿髮之類雖不稱帝而各有年號是也又有不改年號而但改元者如光武帝仍

建武之號而改爲中元年梁武帝仍大通之號而改爲

中大通元年是也有一歲而兩三改元者漢中平六年獻帝卽位改元光熹張讓段珪誅後改元昭寧董卓輔政改元永漢此一歲四號也晉惠帝太安二年長沙王乂事敗成都王穎改元永安河間王顥得政又改元永興魏孝明帝武泰元年崩孝莊帝立卽改元建義又改元永安宋廢帝子業卽位之次年改元永光又改元景和唐中宗嗣聖元年武后旣廢立改元文明九月又改元光宅垂拱五年春改元永昌十一月又改元載初天授三年夏四月改元如意秋九月又改元長壽及長壽三年夏五月改元延載十一月又改元證聖其明年九

月改元天冊萬歲十二月又改萬歲登封其明年四月
改元神功十一月又改元聖歷又四年改元大足十月
改元長安按善后以建子月為正朔凡十一月之改已屬歲首及金哀宗正大九年既改
開興又改天興明萬歷四十八年神宗崩光宗立一月
崩熹宗立從左光斗議以今年八月以前仍為萬歷八
月以後為泰昌明年為天啓是皆一歲兩三號也有不
應改元而即改者蜀先主卒子禪嗣未逾月即改元建
興吳孫亮晉惠帝宋元凶劬亦然宋聿五行志謂數君
皆不終其位是也有應改元而不改者人君即位逾年
即改元而梁末帝晉出帝劉承鈞皆踰年不改元又明
年始改孟昶即位五年始改金熙宗即位亦二年始改
唐哀帝漢隱帝周世宗皆用先世年號終身不改哀帝
隱帝皆年少且迫於權臣故不暇及世宗何以亦因循
如此豈以周太祖甫改元即崩顯德之號初未嘗用遂
襲以紀年耶又有年號犯諱而不改者梁末帝名友貞
而年號貞明漢隱帝名承祐而年號乾祐夏主仁孝之
父名乾順而仁孝亦改元乾祐舉朝之人不聞議及何
也

年號用字

年號用字固取吉祥然又有當慎擇者晉元帝改元永
昌郭璞謂永昌之名有二日之象齊鬱林王建元隆昌
南史論亦謂同此識焉梁侯景立蕭棟改元天正武陵

王紀僭位亦改元天正識者以為於文天為二人正為一止言各一年而止也永豐侯難曰昔桓元年號大亨識者謂二月了而元之敗實在仲春今日天正在文為一止其能久乎紀与棟果皆為元帝所害北齊文宣帝年號天保識者曰天保之字為一大人只十也帝其不過十乎文宣果在位十年後主緯奔鄴命安德王延宗守晉陽延宗為眾所推即帝位年號德昌人以為德昌者得二日也果即位之明日被周師所圍越宿而敗正得三日蕭琮年號廣運識者曰運之為字走軍也隋煬帝改元大業或以為大苦來唐僖宗年號廣明及黃巢反以為唐去丑口而着黃明已當代唐以為圖識宋徽

宗改宣和或云一家有二日果徽欽同帝欽宗改元靖康或以為立十二月果周歲而失國或又謂十二月立康王之兆其識果驗明泰昌亦二日也果是年天啓繼位凡此雖皆偶然適中未必因此遂致不祥然亦不可不如意也沈作喆又謂年號最忌于前世謚號法名相犯本朝既宣宗年號不如意也各乃南朝章后宣后之二陵名也亦當時大臣不學之過則年號并當避陵名矣亦見袁文龜補闕評

年號併稱

宋以前國家年號從無割取一字而以兩年號併稱者自宋始有熙豐乾淳之語至見之章奏筆之者進然猶一帝改元之號自為聯屬也至明乃合兩帝併稱如永宣成宏嘉隆丁萬天崇之類并有取下一字併稱如化

治慶歷啓禎者雖無甚關係然亦草野橫議之一端也
本朝未有明禁而自無此習一則
列聖享國久長一則

朝廷尊嚴人情敬畏故也按唐德宗思**貞觀開元**之治
乃建號**貞元**宋孝宗兼取建隆紹興乃建號隆興取乾
德至道乃建號**乾道**寧宗兼取開寶天禧乃建號開禧
金史完顏匡曰宋取先世開寶
天禧紀元開禧豈忘中國者哉然則朝廷之上已開其端矣

翰林

翰林之名本於揚子雲長楊賦所謂子墨客卿問於翰
林主人蓋謂文學之林如詞壇文苑云爾古未有以此
爲官名者其設爲官署則自唐始然唐時翰林本內廷
供奉之名非必皆文學也舊唐書百官志翰林爲詞學
經術及僧道祝卜等待詔之所高宗時劉禕之等以文
詞召入待詔時號北門學士元宗時張說陸堅張九齡
張洎等亦召入謂之翰林供奉凡表疏批答或詔從中
出宸翰所揮亦資其檢討此翰林名官之始也

言承平時工藝畫皆待詔翰林而無與士至德以來命集賢學士入禁中草畫
詔待進止於翰林院因以名官則翰林學士又自至德中始然葉石林云唐之翰林
開元以前未有學士之稱曰翰林待詔曰翰林供奉開元二十六年始改供奉為學士
士以張增等為等為之李善唐畫百官志相合則翰林之有學士實始於開元而非
始至 當其初設翰林本以便於燕私游藝凡技術之士
皆在焉學士亦技術之一故亦待詔於此其後以撰擬
詔命得參機務遂別為清要之極選然其翰時林猶有
雜流如天寶中有高山道士吳筠乾元中有占星韓穎
劉烜貞元中有弈碁王叔文侍畫王伾元和末有方士
柳泌浮屠士通皆待詔翰林柳公權亦充翰林畫詔學
士又順宗本紀罷翰林醫工相工占星射覆冗食者四
十二人沈括所謂工藝羣官皆稱翰林是也遼宋以來
尚仍其制遼本紀有翰林茶酒使宋史安忠掌翰林司
內衣庫提點醫官院韓顯符善占候詔官翰林天文
錢惟演工畫太宗命翰林畫學賀正顯至其第取之本紀
雍熙四年校醫人優者為翰林學生元豐四年改翰林
醫官院為醫官局大觀三年詔醫學併入大醫局畫入
翰林畫藝局畫入翰林畫圖局是宋時翰林亦沿唐
制雜藝皆居之其專以處文學之士則自明始

學士

學士之名其來最久裴松之三国志註正始中詔議園
丘普延學士是曹魏時已有學士之稱也晉宋以後增
置漸多宋泰始六年置總明觀學士後省總明觀於
王儉宅開學士館以總明四部畫充之齊高帝詔東觀

學士撰史林三十篇永明中置新舊學士十人修五禮又
竟陵王子良集學士抄五經百家梁武時沈約等又
請五禮各置舊學士一人各學士二人相助又命庾
肩五劉孝威等十人為高齊學士簡文為太子又開
文德省置學士劉孝標撰類苑梁武又命諸學士撰
華林徧略以高之陳武帝亦詔依前代置西省學士其
他散見於南北史各傳者如虞荔張譏俱為士林館學
士蔡翼紀少瑜庾信為東官學士傅綽顧野王阮卓
為撰史學士沈峻孔子祛為西省學士陸瑒沈不害為
嘉德殿學士岑之敬為壽光殿學士阮卓又為德教殿學
士是六朝時或省或觀或殿或館隨所用各置學士第其時

。文史末年患眼猶
令學士讀而聽之
是節帥亦得置學

所謂學士者無定員無定品隋書柳詵傳晉王廣招引
文學之士百餘人充學士以師友處之於時諸王皆有
學士晉王廣以庾自直為學士秦王俊以潘徽為學士
此藩王亦得置學士也韋孝寬傳孝寬雖在軍中篤意
士也隋文帝令段文操督秘書省學士文操性剛嚴學
士頗存儒雅文操鞭撻之前後或至于數則學士且
不免受撻矣蓋其時所謂學士不過如文人云爾唐太宗
為天策上將軍時以司勳郎中杜如晦考功郎中房
元齡軍諮祭酒蘇世長等十八人以本官兼學士司勳
考功等其官也學士則總名也即位後置宏文館悉引
學士番宿更休參帷幄論文史其職漸乾封以後范

履冰等為學士撰擬詔敕地益清要然通考謂宏文集
賢學士分屬中書門下則猶有所屬也至開元改翰林
供奉為學士別建學士院於翰林之南已與翰林分為
二然以翰林近御清切故猶冒翰林之名于是有翰林
學士官名其職乃專掌制詔時以為天子私人號稱
相至德以後又於學士中擇年深望重者一人為承旨
往以至宰相於是學士遂為公輔之先路矣至學士品
級之高下則累朝各不同通考云唐之翰林學士只取
文學之人隨其官之高卑入院者皆為學士廷觀之際
則各隨其元官立班而學士未嘗有一定之品秩也今
按唐書高瓌傳云瓌以翰林學士擢諫議大夫近世學
士超省郎進官者惟鄭顥以尚主瓌以寵升云是學士
尚不得遽遷省郎又陸贄以翰林學士從奉天及歸
遷中書舍人後以兵部侍郎復為學士李吉甫以考功
郎中入翰林為學士遷中書舍人可見學士本無定品至
宋始定制資淺者為直院暫行者為權直而真為翰
林學士者職獨顯矣金初翰林學士承旨正三品貞祐
三年陞從二品翰林學士正三品侍讀侍講學士俱從
三品直學士從四品待制正五品元制承旨從一品學士
正二品侍講從二品直學士從三品待制正五品修撰
從六品明洪武初定翰林院承旨正三品學士從三品
侍讀學士正四品侍講學士從四品直學士正五品十

四年革承旨及直學士從學士為從五品十五年設
殿閣大學士亦正五品永樂中定大樂士班在翰林學
士之上

侍讀侍講學士修撰編檢

石林燕語謂咸平中始置翰林侍讀學士以楊徽之為
之又置翰林侍講學士以邢昺為之王阮亭香祖筆

記引為講讀學士之始亦見宋史真宗本紀又夏侯傳真宗二年始建講讀之職命馮為翰林侍讀學士

然通考開元十二年置集賢院侍講學士侍讀學士

唐時鄭朗為侍講學士則講讀學士實自唐始也蓋

講讀之名本起於東漢桓榮為門下生侍講乃聽榮出桓

郁以少府再入侍講黃瓊以選入侍講禁中俱見後漢書此侍講

之始也及六朝則又有侍讀為東宮官屬南史到洽與

陸倕對掌東宮管記俄兼侍讀陳天嘉中詔顧越侍

東宮讀尋遷羽林監侍讀如故又汪泌為永康王侍讀

傅昭為南郡王侍讀北史周文帝以薛慎為宣都公

侍讀此皆唐以前侍讀之官唐書陸質為太子侍讀宋

史真宗時馮元為翰林侍讀馬宗元為翰林侍講俱不

帶學士又近代翰林侍讀侍講之始也修撰之官唐時亦

已有之舊唐書百官志有國史修撰官學士院亦有修撰

官裴坦常為史館修撰宋史哲宗元祐六年置國史

院修撰官是唐宋以來國史院學士院俱有此官非專

以屬廷議之第一人也至有元張起巖以進士首選特旨改

集賢修撰此為狀元授修撰之始耳續通考謂編修本樞密院官元時始改為翰林之屬又至正中因學士變言改奎章閣為宣文閣藝文監為崇文監置檢討官十六員以為近代編修檢討之始按舊唐書學士院修撰之下有校理官檢討官王彥威以淹識典禮由太常卿特令補檢討官宋史國史院有編修官樞密院右檢討官又有制局檢討官畢仲衍嘗為之文出紀年錄登第後為國史院編修官實錄院檢討官金史移刺履為國史院編修官則編檢二職唐宋已有之亦不自元始

唐時翰林學士不必皆進士出身

唐時翰林學士據通考云只取文學之人各隨其官之崇卑入院者皆為學士官尊者號稱內相可以朝夕召對參議政事或一遷即為宰相其孤遠新進或起自初階或元無出身至誠令草麻甚者試以詩賦如試進士之法其人皆呼學士又云自諸曹尚書以下至校書郎皆得與其選是唐之翰林學士雖無出身者亦得為之其以他官入者亦不必皆由科目今按李德裕以蔭入官後擢翰林學士知制誥劉鄩由幕僚擢左拾遺尋為翰林學士吳通元及弟通微以太子友召為翰林學士鄭覃以蔭補校書郎後為翰林侍講學鄭朗由辟署

幕僚亦為侍講學士王叔文以棋侍詔後為翰林學士是皆不必進士出身也

翰林撰文署名

唐書蘇頲傳元宗愛頲文謂之曰卿所為詔令別錄副本署臣某撰朕當留中後遂為故事後世翰林撰文例書名以進其昉此歟

庶吉士

庶吉士自明初始然不僅作翰林院官也洪武初有六科庶吉士十八年選進士在翰林院及承刺監等近侍者俱稱庶吉士二十一年以進士解縉為中書庶吉士是六科及承刺監中書俱有庶吉士矣永樂二年既授

一甲三人曾榮周述孟簡等官復命於第二甲擇文

學優者楊相等五人及善書者湯流等俱為翰林院庶

吉士繼又命解縉等選才資英敏者就學之淵閣共二

十八人周忱自陳年少願學帝喜增為二十九人閱三

年試之其留者二甲授編修三甲授檢討不得留者即

為給事中御史及州縣等官於是庶吉士遂專屬翰

林

張益王翺皆永樂十二年進士益由庶吉士授中書舍人翺由庶吉士授大理寺丞則庶吉士亦有改授小京官者

其後每科所選

多寡無定永樂十二年選六十二人宣德二年止選邢

恭一人又或數科不選有時合數科通選

蕭鑑成進士需次於家宣宗命三科

進士選二十八人至宏治四年給事中徐且以累科不選庶

吉士請循祖制行之大學士徐溥乃言自永樂以來或

間科一選或連科屢選或合數科同選初無定限或內閣自選或禮部選送或會同禮部同選亦無定制請自今每一次開科卽一次選用令新進士錄平日所作雜文呈禮部送翰林考閱後按號行取禮部以糊名試卷偕閣臣出題考試卷上所投之文相稱卽收入選每科不得過二十人孝宗從其請著爲令按宋制將試館職則先命從官各以平日所爲文章爲送學士院選擇而後召試此又每科館選之始也其教習庶吉士始于正德中命學士爲之選舉志謂以翰詹資深者一人課之萬歷以後掌教習者專以吏禮二部侍郎二人爲之明史選舉志嘉靖八年帝親閱廷試卷子批一甲羅洪先楊名歐陽德中唐順之陳東任瀚六人對策各加評獎大學士楊一清遂選順之等二十人爲庶吉士忽有旨庶吉士之選邇來大臣徇私植黨無益於國其事遂止至十一年乃復舉行

前明翰林不必皆由庶吉士

明史選舉志自洪武十八年廷試擢一甲進士丁顯等爲翰林院修撰二甲馬京等爲編修吳文等爲檢討進士之入翰林由此始也然明初翰林尚不必皆由科目始楊士奇以史才薦入翰林充纂修官胡儼由縣合薦入翰林鄒緝由明經擢侍講沈度沈繹以善書入翰林游至學士劉鉉亦以善書召入翰林舉鄉試授中書舍人進侍講皆非進士也卽進士入翰林亦有不必由庶吉士者如黃淮由中書舍人改翰林編修金幼孜由戶科給事中改翰林檢討是也自永樂中於進士榜下取翰林庶吉士仁宣間三楊當國衣鉢相傳於是翰林之

官無有不由庶吉士起者惟陳繼由布衣以楊士奇薦入翰林楊翥以景帝潛邸舊恩入翰林已為僮事天順中編修馬昇檢討傳宗皆不由科第李賢當國即出之於外焉參議等官資格既定遂牢不可破宏治中布衣潘辰以才望入翰林一時稱異數然初入不過為翰林待詔耳直至嘉靖中張璉桂萼等當國以己本由部曹特賜翰林學士遂停庶吉士不選而講讀編檢皆從吏部推補於是席春由他曹改用檢討張邦奇由提學改右庶子遷祭酒甚至黃綰本廕生亦以議大禮為少詹事兼侍講學士以任子官翰林前此未有也霍韜疏言自楊榮楊士奇楊溥李東陽楊廷和等專權植黨籠

翰林為官中書為門吏故翰林遷擢不由吏部而中書至有進秩為尚書者當時璉萼韜等持論如此然成例猝改舉朝大譁當璉萼韜等由郎署入翰林時喬宇疏言內隆恩澤光朝僅施於佞倖小人士大夫一預其間即不為清議所齒況學士最清華俾萼等居之誰肯與同列哉可見成例和沿固難變革是以不久仍復舊例其後文徵明以善書徵入翰林為待詔諸詞臣以其不由科第猶羣呼為書博士不屑與同列直至崇禎帝以儒臣迂緩不習吏事乃改舊例擇知推卓異者入翰林於是汪偉以知縣得翰林傳成勇以知縣得南京吏部主事論德黃景昉為勇及朱天麟稱屈天麟即得翰林

勇以走赴南京遂不復改見房此又有明一代館遷沿革

之源流也選舉志成祖初年內閣七人非翰林者居其半翰林纂修亦諸色參用自天順二年李賢奏定纂修專選進士由是非進士不入翰林非翰林不入內閣南北禮部尚書侍郎及吏部右侍郎非翰林不任而庶吉

士始進之時已羣目為儲相通計明代宰輔百七十餘人由翰林者十九

殿閣大學士

大學士之官起于唐舊唐書李通傳中宗景龍一年修

文館置大學士四員以李嶠宗楚客趙彥昭韋嗣立為

之此大學士之始也然猶不常設明皇欲以張說為大

學士說曰學士本無大稱中宗寵待大臣始有之臣不

敢冒乃免德宗欲以李泌為大學士泌亦援張說之言

力辭至崔圓又引泌語辭然陳希烈在明皇時為崇元

館大學士則張說雖嘗辭之而希烈仍為之又姚寬西

溪叢語宋制宰相出鎮帶資政殿大學士執政無大字

蘇易簡出被遇獨厚遷紫宸殿以稱呼不使用觀文殿

因此宰執出鎮優遇者除之按通考又云仁宗皇祐元年詔置觀文

乃得除次三相帶宏文館大學士及集賢殿大學士以此為序

春明退朝錄唐制宰相四人首相帶太清宮使

次三相帶宏文館大學士及集賢殿大學士以此為序

此制唐書不載宋朝惟二相昭文首相領之集賢次相領之趙中

令雖獨相初祇領集賢久之方遷昭文據此則唐宋宰

相原帶大學士也明初仿元制設中書省置左右丞相

洪武士三年誅丞相胡惟庸後遂罷中書省政歸六部

尋置四輔官以儒士王本等為之不久亦罷十五年始

置華蓋殿武英殿文淵閣東閣諸大學士

禮部尚書邵質為華蓋檢討吳伯宗

為武英翰林學士宋訥
為文淵典籍吳沉為東閣

又置文華殿大學士

者傷鮑恂
等為之

秩皆五

品其時所謂太學士者不過侍左右備顧問而已於機
務無與也然一日萬幾不能無贊理成祖以侍讀解縉
編修黃淮入直文淵閣又命侍讀胡廣修撰楊榮編修
楊士奇檢討金幼孜及胡儼同入直尋進廣榮幼孜俱
文淵閣大學士機務之屬大學士始此然是時大學士
仍不過五品若遷秩例須改他官不復能入直胡儼直文淵
閣後遷國子
祭酒遂
不得入故成祖特命吏部凡內閣諸臣考滿勿改他任於
是榮士奇等雖在機要終成祖世不過五品官仁宗即
位陞士奇為禮部侍郎榮為太常卿幼孜為戶部侍郎
黃淮為通政使皆仍兼殿閣大學士宣德中又皆進尚

書蓋雖居內閣而官必以尚書為尊也其後又如公孤
銜領尚書之職地既清要兼官又尊於是大學士亦遂
忘其原品本卑而隱然鈞衡之重與百寮殊矣然此猶
皆從翰林入內閣既入後以年勞海陞侍郎尚書未有
既為侍郎尚書而入閣者宣德中陳山張瑾皆以尚書
兼大學士不久仍罷正統景泰中苗衷高穀俞剛江淵
等以侍郎入王文以左都御史入宏治中邱濬以禮部
尚書入尚書入閣
自濬始
彭時猶以修撰入閣天順
初岳正亦以修撰入閣自是大學士遂為侍郎尚書遷階矣據景
泰中

又前明大學士皆翰林出身蓋自永樂中黃淮胡廣
等入直本皆詞臣正統中三楊已老所汲引馬愉曹

鼎等亦皆由翰林入自是沿為故事入閣未有不由翰林者明史張至發傳非翰林入閣者自世宗朝許讚後至崇禎中至發始以外僚入今按李賢由進士授吏部主事本非翰林英宗時兼翰林學士入閣則世宗以前亦有非翰林而入閣者即世宗時張璠由刑部主事夏言由給諫皆擢禮部尚書入閣則非翰林而入閣者亦不止讚一人第此數人係偶然破例其餘仍未有不由翰林者故相沿以內閣為翰林故物職官志云嘉隆以前文移猶稱翰林院以後則竟稱內閣矣萬歷中內閣缺人議者謂不當專用詞臣宜與外僚參用然卒不果見李三台傳崇禎帝因鄭以偉

不嫻票擬章疏中有何況二字誤以為人名擬旨提

問經帝改駁自是詞臣為帝所輕而閣臣不專用

翰見鄭以偉傳

閣老

閣老本中書舍人之稱今俗以稱大學士非也唐書楊綰傳綰為中書舍人故事舍人年久者為閣老其公解雜料皆取五之四綰悉均給之杜詩生理祇憑黃閣老亦指嚴武非謂宰相也查初白詩自註舊傳文淵閣為翰林內署詔冊制誥皆屬焉凡宣召文移止稱翰林院初不以內閣名每日與閣臣會食輪學士一人專掌誥敕多挨次入閣故例稱閣老蘇州有閣老坊乃吳匏庵

為學士時所建則翰林之在文淵堂誥敕者亦得稱閣老矣

大學士到任在翰林院

明史錢幹傳宣德七年以故鴻臚寺為翰林院落成諸殿閣大學士皆至錢幹不設楊士奇楊榮座或問之

傳維

楊榮

曰此非三公府也二楊以聞上命工部具座禮部

楊溥

敘位次二楊始自內閣出坐諸學士上

亦見王

按王阮亭

記明洪武十五年設內閣大學士命皆干翰林院上任十八年又命殿閣大學士左右春坊大學士俱為翰林院官故院中設閣老座於上而掌院學士反居其旁諸學士稱閣老曰中堂據此則閣老到任之在翰林院洪

武時已有定制宣德距洪武不遠何以錢幹不設閣臣

座耶豈洪武舊制在南京此以鴻臚改翰林在北京為

創舉遂不援故事耶然阮亭謂閣老稱中堂以其座在

翰林之中則非也按湘山野錄錢希白見王欽若戲曰

中堂遂有如此宰相又邵氏聞見錄富鄭公與康節食

筍公曰未如中堂食筍之美又元王惲有中堂事記

元初中書省之事則宰相之稱中堂宋元已然固不因

設座於翰林之中也

中書

中書之名漢武初以宦者為之司馬遷被刑後亦為中書令蓋主傳宣詔命者也成帝紀罷中書宦官註臣瓚

曰漢初中人有謁者令孝武加中謁者令為中書謁者
令置僕射宣帝時任中書官宏恭為令石顯為僕射元
帝時恭死顯代為中書令專權用事成帝時因蕭望之
言乃罷其官更名為中謁者令云自是以訖東漢皆無

中書之官

後漢主朱暉傳漢家舊典置侍中中常侍各一人省尚書事黃門侍
郎一人傳發書奏皆用姓族士人和熹太后以女主稱制乃以閹人
為常侍小黃門通命自此以來權過人主然則

曹操為魏公以劉放孫

資為秘書郎文帝即位更秘書為中書以放為監資為
令遂掌機密明帝益任焉魏志稱三祖詔命皆放所為
此中書參機務撰詔旨之始也其時中書監令號為重
任蔣濟諫曰今外所言輒云中書雖使恭慎不敢外交
但有此名猶惑世俗况實據事要曰在目前倘因疲倦

之間有所革制眾臣見其能推移於事即亦因而向之
按資放名臣明帝令主而濟已有此奏可見權之所在
勢即隨之故晉荀勗由中書監除尚書令或賀之而勗
有奪我鳳池之嘆至晉惠帝時孫秀為中書監王威為
中書令權傾中外則更任之極重者矣

唐初政事堂在門下省長孫無忌以司空房元齡以
僕射魏徵以太子太師皆知門下省事至裴炎以中
書令執政事筆乃徙政事堂於中書

中書舍人

中書舍人其始甚微孫資既老致仕齊王芳特為置舍
人官騎是本供中書監令之役使者也

按舍人之名戰國已有
之史記嫪毐幸時諸客

求為舍人者以千數李斯為呂不韋舍人漢韋高祖紀舍人陳恢註師古曰舍人親近左右之通稱也審食其以舍人侍呂后在楚軍中晉王祥告老武帝亦為置舍人六人以給使令六朝以來漸為寵要通考云宋初置中書通事舍

人四員入直閣內出宣詔命凡有陳奏皆舍人持入參決於中齊永平中舍人四員各住一省謂之四戶權傾天下茹法亮久為舍人嘗語人曰何須覓外祿此戶內年可辦百萬及出為大司農猶戀々垂泣而去傳昭為中書通事舍人時居此職者權勢最盛昭獨廉靜一無所預明帝以為有古人之風梁陳時中書舍人五人領中書十人書吏百二十人分掌二十一局各當尚書諸曹並為上司尚書惟聽受而已可見其地望之切要也唐初詔敕猶是舍人專掌自永淳以來此職為文士之

極選裴坦傳云故事中書舍人初詣省視事四丞相送之施一榻堂上壓角而坐其儀制之尊可知宋史道云舍人上事曰設紫褥

于廷面北拜廳閣長立褥之東北隅謂之壓角此恐傳聞之誤

自開元後以翰林學士專掌內命

而其任稍輕故陸贄疏以為詔命所出本中書舍人之職軍興時促迫應務權以學士代之今天下無事舍歸職分其命將相制詔請付中書行遣事雖不行亦可見唐初中書舍人之本職也又按唐時有由中書舍人而為翰林學士者如陸贄為中書舍人權兵部侍郎復為翰林學士是也又有由翰林學士遷為中書舍人者沈傳師吳融常袞是也蓋其時翰林本無定品故中書舍人之職常在其上五代及宋初猶然宋史竇貞固由翰

林學士就拜中書舍人蓋猶沿唐制前明則中書舍人之官已輕不過為大學士之僚屬呂原子憲以蔭補國子生選中書舍人疏乞應試憲宗許之遂舉順天鄉試舍人得赴試自此始見明史呂原傳是舍人尚有以監生充選者及在閣年久資深每三年許典輒如兼官如尚寶卿等秩皆舍人遷階也據霍韜疏則并有加至尚書者

尚書

尚書本秦官少府之屬在內掌文書者漢因之武帝增用宦官為中書謁者令於是尚書與中書職事多相連其時中書如唐之樞密使明之司禮監而尚書通章奏出詔命參決眾事如唐之中書門下明之內閣也宣帝

時又有中尚書見蓋寬饒及石顯傳則并用宦者兼之元帝時石顯為中書令五鹿充宗為尚書令成帝之初蕭望之領尚書事嫉顯等共邪乃奏以為尚書百官之本國家樞機宜以通明公正處之乃定置尚書員常侍曹尚書主公卿事二千石曹尚書主郡國二千石事民曹尚書主吏民上書事客曹尚書主外國事光武分二千石曹為二又分客曹為二其所不掌者惟刑罰有廷尉禮儀有太常軍馬有大司馬賦稅有大司農糾劾有御史而已而尤以職掌樞機為清切霍光傳光死之後其家恣橫事漸露霍山猶領尚書宣帝乃命吏民上書者不關尚書輒使中書令取之魏相傳霍光時諸上書者皆為二封署其一曰副

領尚書者先發副封所言不善則屏去不奏相因請去副封以防壅蔽宣帝從之董賢傳賢雖為三公常給事中領尚書事百官皆因賢奏事王莽傳莽懼臣下擅權凡吏民上封事令宦官左右開發尚書不得知此可見平時章奏必經尚書也竇武傳武謀誅宦官事泄中宮曹德請帝出德陽殿名尚書官屬脅以白刃使作詔版可見詔命亦自尚書出文心雕龍所謂兩漢詔命出自尚書也王允以宦官誅後侍中等出入禁近機事頗泄乃奏尚書不得出入及通賓客又可見尚書職在禁近故秩不高而權甚重王暢為尚書令後拜南陽太守以尚書令本千石秩也而所掌皆機事故李固疏曰陛下之有尚書猶天之有北斗、為喉舌尚書為陛下喉舌斗斟酌元氣運平四時尚書出納王命賦政四海也陳忠傳三公任輕機事專委尚書而災眚變咎輒策免三公時論不平又孔光為尚書令凡典樞機十餘年徐防補尚書郎職典樞機周密畏慎可見漢時尚書之職之清要及魏晉以來有中書省而尚書之權遂移尚書職務皆承中書下流元時猶然惟桑哥得政以尚書擅權遂駕中書省之上桑哥敗後仍復舊明初承之明史陳修傳六部之設始於洪武元年初尚屬於中書省權輕多仰承丞相音旨至十三年革中書省而部權乃專此古今尚書沿革之大略也

古來尙書祇是一省凡吏戶兵刑之類同在此一省中各分職務非如今之分爲六署也唐楊嗣復遷禮部員外郎因父於陵爲戶部侍郎乃請避同省以禮戶雖分兩省則同也龐元英文昌雜錄宋制尙書省凡六曹除告身帳目外一百六十八案吏額一千四百十三人總五月六月文書十二萬三千五百餘件天下事莫不上於尙書是曹雖六兩省則仍一其分爲六署亦自明祖始

侍郎郎中員外

郎中本秦官國策荆軻刺秦王時諸郎中執兵者皆在殿下史記秦趙高爲郎中令用事是也又國策朱英謂春申君曰君以白爲郎中可以殺李園則楚亦有是官蓋本執兵侍衛者侍郎之官至漢始有漢百官志侍郎郎中無定員多至千人侍郎比六百石郎中比四百石是也員外郎隋開皇中始置諸部皆有之部或四五人蓋以佐郎中之繁至員外之名唐時最濫不必皆尙書官屬也其始起于宦寺而漸及於選部唐書宦官傳序中宗時宦官七品以上員外置千員魏元忠傳亦云奄監坐升班秩旣無正闕率授員外乃盈千人此宦寺之員外也李嶠傳嶠欲收時望乃奏置員外官數千杜佑傳神龍以來選者旣無員缺則置員外官二千人自是以爲常此選人之員外也盧懷慎傳云在京諸司員外

官數十倍近古未有魏知古傳亦云吏員增諸司試補員外檢校官已贏二千此京朝官之員外也嚴挺之盧絢皆爲李林甫所惡用爲員外詹事則大僚亦有員外矣肅宗乾元二年詔曰州縣見任員外官並任其所適可用者上州不得過五人中州四人下州三人縣不得過一人是州縣亦有員外矣羅希奭貶爲海康員外尉姚紹之授南陵令員外置來瑱貶播州尉員外置則小吏亦有員外矣所以唐宋以來員外之稱幾遍民間也

御史

漢百官表謂御史本秦官掌監郡然周官宗伯之屬已有御史以中士下士爲之不過小臣之傳命者至戰國而稍變其制不特秦有是官也史記藺相如傳秦趙之會各令御史書事則趙亦有御史田策安邑之御史死則魏亦有御史淳于髡曰御史在前掌記事綜察之任則齊亦有御史故張儀爲秦說韓說趙皆曰秦王使臣獻書大王御史可知列國各有是官蓋親近之職掌文書及記事者也張蒼初爲秦御史主柱下方書如淳曰主四方文書也則秦御史亦專掌文書及記事如周制老子柱下史之類原非任以彈劾也其後又使之監郡蓋以近臣使作耳目於外於是職司糾察而有彈劾之任漢初因之遂專爲風憲官而掌文書記事歸之太史判然分兩職矣按三王世家請立閔且等爲正疏則丞

相莊青翟居首而御史大夫張湯次之既奉制可則制
書由御史大夫湯下丞相丞相下中二千石二千石下
守相是猶沿秦制御史爲掌文書之官故光從御史方
下丞相也王充論衡量知篇亦云御史之遇文書不失
分銖以其習而熟也

祭酒

祭酒本非官名古時凡同輩之長皆曰祭酒蓋飲食聚
會必推長者先祭胡廣曰古禮賓客得主人饌則老者
一人舉酒以祭示有光也史記荀卿傳齊襄王時田駢
之屬皆已死荀卿最爲老師齊尚修列大夫之敬而荀
卿三爲祭酒漢書淮南王傳伍被諫曰吳王賜號爲劉

氏祭酒註云吳王凜于宗室最尊故曰劉氏祭酒也後
漢書班超賤時有相者謂曰祭酒布衣諸生耳而雷封
侯萬里之外是布衣亦稱祭酒也班固奏記東平王蒼
曰京兆祭濬晉馮好古樂道亦以布衣稱祭酒也卓茂
爲門下掾祭酒蔡順爲郡東閣祭酒龍邱萇爲議曹祭
酒是掾吏皆有祭酒也劉寬行縣輒引學士祭酒執經
對講是學士亦有祭酒也張興爲侍中祭酒是近御亦
有祭酒也蓋同官之長者則號祭酒故張魯以鬼道惑
衆令其弟子領部衆者亦皆號祭酒也後漢百官志博
士祭酒一人本僕射也光武初改爲祭酒蘇竟傳竟以
明易爲博士講書祭酒按博士十四人皆六百石博士

祭酒亦六百石可見其官同但以之為長耳然後世國子監之有祭酒實自此始蓋漢時博士之官即太學師儒也

監司官非刺史

范文正公為人作墓誌以轉運使為刺史尹師魯言其誤即改之令人以各巡道比古之刺史亦非也古刺史正如前明巡按御史耳巡按御史以七品官彈劾督撫以下蓋取其官輕而權重官輕則愛惜身家之念輕而權重則整飭吏治之威重漢武設十三部刺史正是如此其秩僅六百石而以六條察二千石其官皆屬御史中丞薛宣傳為中丞執法殿中外總部刺史是也漢官儀亦

云御史丞外督部刺史存領侍御史

其制本起于秦史記秦泗川監平註云秦

時御史監郡若今刺史是秦已有此職漢惠帝因之文帝改用丞相史漢官舊儀丞相初置吏十五人皆六百石為東西曹東曹九人出督州為刺史是也改置部刺史乃武帝元封元年之制比刺史稱傳車吏稱從事居無常處吏不成臣見魏建夏侯之傳此其大較也郡守不得面奏事而刺史得面奏事京房傳云臣為刺史又當奏事面議者不悅乃以臣為太守所以隔絕臣是也按漢郡守亦得奏事王溫舒為河內守私置馬五十匹馳奏是也但不得而奏事耳後漢建百官志刺史每歲終詣京師奏事先武改制乃詔刺史因計吏奏事不必赴京有既為刺史之後仍遷郡守者蓋其秩本卑遷守非黜如黃霸以揚州刺史為潁川太守陳咸以部刺史歷東郡太守

是也是刺史本御史中丞所屬其秩甚卑而可以彈治
大吏與前明巡按御史一一相似其稍有不同者漢刺
史專察二千石長史而丞尉以下則二千石所察刺史
不與焉朱博傳博爲冀州刺史吏民遮道訴事博下令
曰欲言縣丞尉者刺史不察黃綬各自詣郡欲言二千
石墨綬長史者刺史還治所受治之是漢刺史不察丞
尉而明巡按則無所不察耳其沿革亦有可考者西漢
至成帝時翟方進以爲春秋之義用貴治賤不以卑臨
尊刺史位下大夫而臨二千石輕重不相準乃奏罷刺
史改制州牧後朱博爲御史大夫仍奏復刺史王莽時
又置州牧如劉聖公傳荊州牧發兵攻綠林兵反爲綠
林所敗是也更始因之亦置州牧如幽州牧苗曾爲光
武所誅是也公孫述亦假益州牧以起事而光武初亦
仍州牧之制如以朱浮爲幽州牧郭伋爲雍州牧是也
至建武十八年乃罷州牧仍置刺史十二人而其制比
西漢稍異舊制州牧奏三千石長史不任職者事皆先
下三公遣掾史案驗然後黜退光武不復委任三府而
權歸刺史是又舊制諸刺史常以八月巡郡國錄囚徒
考殿最歲盡詣京奏事光武改令但因計吏奏事此西
東漢刺史不同之制也靈帝末四方兵起劉焉建議以
爲刺史威輕宜改置牧伯選重臣以鎮之遂以焉爲益
州牧黃琬爲豫州牧劉虞爲幽州牧州任之重自此始

見劉獻帝時韓馥為冀州牧袁紹為渤海太守荀譙說馥
馥傳曰渤海雖郡實一州也今將軍處其上袁氏必不能為
下馥遂以州牧讓紹又劉表為荊州刺史統領八郡貢
至京師詔加表為荊州牧公孫度據遼東自稱平州牧
分置太守以下官此又漢末改刺史為州牧之制也故
三國志論曰漢季以來刺史總統諸郡賦政于外非但
如曩時司察而已魏晉因之刺史任重者為使持節都
督有一刺史而都督十數州軍事者其次為持節又次
為假節其時郡各有太守丞尉而刺史統之隋開皇三
年罷郡以州統縣自是刺史之名存而職廢所謂刺史
者乃太守之互名耳唐武德中改太守為刺史名雖屢

更而其職即郡守之職也其大將為刺史者則加節度使
之號運制數郡而其屬郡為刺史者則曰支使故刺史
之職益輕非復漢之舊矣

開元中置諸道採訪使得專持刺史

顧寧人云漢刺史猶明之巡按御史魏晉後刺史猶今之總督隋以後刺史猶今之知府知州而已

兵馬司

京師有兵馬司專理捕盜及鬪毆等事其制起于元世
祖至元九年改千戶所為大都路兵馬司掌京城捕盜
事見世祖本紀又續通考云京南北有兩兵馬司各至
千人每百戶所中產者一人充資發官有綱運及流從
者至則執兵導送外此則不敢役示專其捕盜職

文信國至京送兵馬司械繫空宅中十餘日凡囚兵

馬司者四年始就戮

吏部制筆籤

吏部制筆籤始於明萬歷中孫丕揚爲冢宰時大選外官
競爲請托丕揚創爲制筆籤之法分籤爲四隅東北則北
京爲主而以山東及河南之汝彰歸南京之盧鳳淮揚
附之東南則南京浙江福建江西廣東爲主而以河南
之懷慶開封河南之陽湖廣之鄖陽附之西南則以湖
廣四川雲南貴州爲主而廣西之柳州南寧慶遠潯州
太平附之至於起復訓簡地僻缺孤或人浮于缺則又
借附近之地以通籤掣之窮吏部之有籤自此始也見
明史選舉志及東林列傳亦見顧仲恭竹籤傳按于慎
行筆塵謂孫公患中人請托故創爲此法一時宮中相
傳以爲至公下逮閭巷亦翕然稱頌而不知非體也古
人見除吏條格却不視奈何自處于一吏之職人才
長短資格高下皆所不計乎顧寧人亦主其說然吏弊
日滋自不得不爲此法所以二百年來卒不能改此亦
時勢之不得不然也

奏本擡頭

凡奏事遇至尊必高其字于衆行之上蓋自古已然魏
志景元二年詔尊崇燕王之禮燕王字乃帝
道卿公之父凡奏事上書稱
燕王者皆上平可見古時凡稱君上高出本文之上今
曰上平蓋另行起而與本文相平以殺於天子之式耳

行香

外省文武官每朔望例向文武廟行香按行香之名起于六朝南史何尚之于宅設八關齊自行香南齊魚復侯子響誅後武帝心悔之百日于華林園作齊親自行香岑敬之于重雲殿法會梁武帝親自行香見之遂除博士此行香之見于六朝者唐宋以來則皆以國忌日行香程大昌演繁露謂國忌行香本起於後魏通鑑記事唐太宗崩武才人出感恩寺為尼忌曰高宗詣寺行香見之才人泣上亦泣唐摭言云于相琮有門下客郭薰應試琮為之地主文趙隲無計拒之會列聖忌辰宰執已下俱於慈恩寺行香忽有綵帖千餘隨風飄至皆有新及第進士郭薰事公

卿相顧輟然隲因是得黜薰遼史統和中詔景宗忌日諸道遣官行香飯僧燕翼貽謀錄真宗大中祥符二年九月詔宣祖昭武帝昭憲后忌日前一日不坐朝羣臣進名奉慰寺觀行香禁屠廢務著于令王文正遣事云舊制國忌迭命宰相參知政事一員率文武常參官赴佛寺行香內職不與焉景德中陳堯叟王欽若為樞密使率內職同赴乃聽文昌雜錄云大忌百官集相國寺俟宰相至百官班立于庭中揖訖然後行香後改景靈觀行香道山清話云溫公在永興一日因國忌行香幕客有事欲白誤觸燭臺汚公衣公不動亦不問容齊隨筆云景德二年三月元德皇后忌辰中書樞密院文武

百官並赴相國寺行香據此數事則行香唐宋時皆以
國忌非必朔望也西溪叢語宋梁時大明節百官行香
祝等則又有行之祝壽者然皆未定有朔望之制若朔
望朝拜則宋雖有之而不曰行香錢文僖留守西都應
天院有三聖像去府十里每朔望集眾官朝拜未曉而
往拜畢飲三杯而退文僖戲為句曰正好睡時行十里
不交談處飲三杯是朔望朝拜亦是舊制而與行香為
兩事王棠知新錄謂洪武十七年詔朔望日郡縣官以
下詣學行香則朔望朝拜及行香并為一事乃洪武制

授官表諫

古人授官例有讓表劉寔謂本唐虞禹讓契皋陶

遺意文心雕龍曰昔晉文受冊三辭從命是漢末讓

表以二為斷曹操若令表不必三讓又勿得浮華所

以魏初表章指事造實今按晉張華三讓公封表羊祐所

開府表庾亮讓中書監表任昉有為齊明帝讓宣城郡

公表為范尚書讓吏部封侯表皆傳於世說王述轉

尚書令事行便拜其子文度曰故應誤述曰汝謂我不

堪耶文度曰何為不堪但克讓自是美事述曰既云堪

何為復讓宋書王華傳宋世惟華與劉湛不為飾讓得

官即拜以此為常北史郭祚傳魏孝文以李彪為散騎

常侍既而悔之謂祚曰朕昨誤授人一官祚曰豈容聖

詔一行而有差異帝沉吟曰此自應有讓表因其讓朕

欲別授一官須臾彪有啓曰伯不辭卿子產所惡臣欲之已久不敢辭讓帝嘆謂祚曰卿之忠諫李彪正辭使朕不能自決遂不換李彪官又孝文愛馮誕除官日親爲作三讓表將拜又爲作謝表邢邵傳有一貴人初授官享客邵與袁翻俱在座翻意主人託已爲讓表主人乃命邵作之翻甚不悅可見昔人每授官必作讓表固是難進易進之意然沿習日久虛僞成風浸尋及於唐宋益襲爲故事在上者旣授之以官必不因其讓而收回成命在下者亦明知其辭不允特借一辭以鳴高觀唐宋諸人集中內外制詞多有批答不允及斷來章不允之詔上下相接以僞徒費筆墨甚可笑也本朝之制

凡三品以上遷官者但有謝摺無僞爲辭讓之事於以見朝廷尊嚴風氣敦實迥軼前代萬矣

換官不換印

古時每授一官必鑄一印非如後世之官換而印不換也漢書朱買臣爲會稽太守先衣故衣懷印綬步歸郡與邸吏共食吏竊見其綬怪之視其印則會稽太守章也吏驚出語掾吏遂白守丞共迎之是時買臣未蒞任與舊守交代而先已懷印而來可知漢制每授一官卽刻一印與之武帝以及黯爲淮陽太守黯伏謝不受印綬詔強與之又可見除官時卽予印綬而去非如後世之到任始接印也又張安世傳安世薨天子贈印綬則

印綬且以之送葬矣魏志王淩被誅并燒其印綬誅其人而并燒其印益可知印不必校後官矣魏氏春秋許允善相印將拜鎮北將軍以印不善使更刻之如此者三晉王瑩拜丹陽尹鑄印六鑄六毀及成頭缺補而用之居職六日而卒益可見易一官必刻一印矣其尤明白可據者南史孔琳之議曰官莫大于帝王爵莫尊于公侯而傳國之寶歷代遞用襲封之印奕世相承貴在承舊無取改作今世惟尉一職獨用一印至于羣官每遷悉改討尋其義實所未喻若謂官各異姓與傳襲不同則未若異代之為殊也若或因有誅夷之臣避其凶穢則漢用秦寶未聞因子嬰被戮而棄不用也而終歲刻鑄喪工消實金銀銅炭之費不可勝言謂衆官即用一印無煩改作若新置官及官多印少然後鑄益可見古人官印之制後世換官不換印其即本於琳之議歟

假守

秦漢時官吏攝事者皆曰假蓋言借也史記秦王政十六年發卒受地于韓南陽假守騰又項羽殺宋義諸將因共立羽為假上將軍陳涉以吳叔為假王監諸將擊秦景駒自立為楚假王尉佗以法誅秦吏以其黨為假守韓信破齊請為假王鎮之西域傳遣騎假司馬為斥埃屬校尉王莽攝位稱假皇帝後漢書竇固以班起為

假司馬凡此皆言攝也非真假之假也其官吏試職者則曰守尹翁歸為東海太守入守右扶風滿歲為真張敞以冀州刺史守太原太守滿歲為真王尊以光祿大夫守京兆尹後為真薛宣由陳留太守入守左馮翊滿歲稱職為真朱傳由琅琊太守入守左馮翊滿歲為真張升為郡綱紀以能守外黃令論殺臧吏或譏升守領一時何足趣明威戮乎卓茂初為密令郡太守以其不能乃為置守令所謂守令者亦即攝事之令也凡試職皆曰守如今初任官有試俸之例也衛宏漢官舊儀丞相史物故調御史少史守若御史少史以事他出調御史少史屬守此亦攝事稱守之證舊唐書百官志文武

自一品至九品各有散官

如文則光祿大夫以至將士即武則鎮軍將軍至校尉副尉

謂之本

品職事則隨才錄用或從閑入劇或去高就卑貞觀令以職事高者為守職事卑者為行仍各帶本位其欠一階者為兼永徽以來欠一階者或為兼或為守參而用之其兩職事者亦為兼咸亨二年始一切為守

文昌雜錄路國文公守太尉皇弟雍王曹王守司空鄭匡富公濟陽曹郡王守司徒三公官備近世未有也

